



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ
Ռ. ՊԵՏՐՈՍՅԱՆ

« 17 » 08 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0150-21

Ձեռնարկողը՝

« ԳԵՎՈՐԳՅԱՆՆԵՐ » ՍՊԸ

Գեղարքունիքի մարզ, Գեղիովիտ 5 փ. 7 նրբ. տուն 3

Գործունեությունը՝ Գեղարքունիքի մարզի Մթնածորի բազալտի երևակման
տեղամասում 2021-2022թ.թ. իրականացվելիք
երկրաբանական ուսումնասիրության շրջակա
միջավայրի վրա ազդեցության նախնական գնահատման
հայտ

ՀՀ, Գեղարքունիքի մարզ, Մթնածորի բազալտի երևակման տեղամաս

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խ. Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ
թիվ ԲՓ 0150-21

< 14 > 08 2021թ.

**Գեղարքունիքի մարզի Մթնածորի բազալտի երևակման տեղամասում 2021-2022թ.թ.
իրականացվելիք երկրաբանական ուսումնասիրության շրջակա միջավայրի վրա
ազդեցության նախնական գնահատման հայտ**

Ձեռնարկող՝

«ԳԵՎՈՐԳՅԱՆՆԵՐ» ՍՊԸ

Փաստաթղթի տեսակը՝

Շրջակա միջավայրի վրա ազդեցության
նախնական գնահատման հայտ, Ծրագիր
/Գ կատեգորիա/

Գտնվելու վայրը՝

Գեղարքունիքի մարզ, Գեղիովիտ 5 փ. 7 նրբ. տուն 3

Ներածական մաս. Գեղարքունիքի մարզի Մթնածորի բազալտների երևակումը վարչական տեսակետից գտնվում է Գեղարքունիքի մարզի Գեղիովիտ գյուղի վարչական տարածքում, Մադինա և Լեռնակերտ գյուղերից դեպի հարավ-արևելք համապատասխանաբար 5.0կմ և 4.0կմ հեռավորությամբ: Հայցվող տարածքն ունի 6.0 հա մակերես:

Երկրաբանական ուսումնասիրության նպատակով հայցվող տարածքը ներկայացված է քարքարոտ, գյուղատնտեսական նպատակների համար ոչ պիտանի հողերով:

Նախատեսվող գործնելիությունը համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի 2-րդ կետի ա. ենթակետի, հանդիսանում է Գ կատեգորիայի գործնելիության տեսակ:

Նկարագրական մաս. Երևակման հետազոտման մեթոդիկան ընտրելիս հաշվի են առնվել օգտակար հանածոյի մարմնի ձևաբանությունը, դիրքը, տեղամասի երկրաբանական կառուցվածքը, երկրաբանահետախուզական աշխատանքների կատարման լեռնատեխնիկական պայմանները, տեղամասի չափերը, ռելիեֆի ձևն ու մերկացվածության աստիճանը:

Մթնածորի բազալտի երևակումում երկրաբանահետախուզական աշխատանքները կատարվելու են «ԳԵՎՈՐԳՅԱՆՆԵՐ» ՍՊԸ-ի նախաձեռնությամբ և իր ֆինանսական միջոցների հաշվին դրանք որպես երեսապատման նյութ (ըստ 9479-98 ԳՈՍՏ-ի) և



շինարարական խճի ու ավազի (ըստ ՀՍ ԳՕՍՏ 8267-95 և ՀՍ ԳՕՍՏ 8736-2014) հումք գնահատելու, պաշարների հաշվարկման և հանքավայրի հետագա շահագործման համար:

Ուսումնասիրվող երևակման ծայրակետային կոորդինատներն են՝ ARM WGS-84 կոորդինային համակարգով.

Մթնածորի բազալտի երևակման 1-ին տեղամաս

1. 4434288 8523775
2. 4434505 8523648
3. 4434569 8523741
4. 4434330 8523883

Մթնածորի բազալտի երևակման 2-րդ տեղամաս

1. 4434811 8525058
2. 4435088 8525073
3. 4435158 8525079
4. 4435332 8525105
5. 4435333 8525151
6. 4434819 8525118

Հորատման աշխատանքները կիրականացվեն սյունակային հորատման ուղղաձիգ հորատանցքերի հորատման միջոցով: Հորատումը կկատարվի կարծր համաձուլվածքային թափկներով՝ 132-112մմ տրամագծով: Նախատեսվում է հորատել 25 մետր խորության 14 հորատանցքեր 350 մետր ընդհանուր ծավալով, հորատահանուկի նվազագույն ելքը՝ 80%:

Նախատեսվում է 1-ին խմբի 14 հորատանցքերի հորատում ՈՒԳԲ 1ՎՍ տիպի ինքնագնաց հաստոցով: Նախատեսվում է հորատող հաստոցի 14 տեղակայում և տեղահանում:

Լեռնային զանգվածից պիտանի բլոկների ելքի տոկոսի որոշման համար նախատեսվում է երևակման սահմաններում փորձնական բացահանքի անցում՝ $20 \times 3 \times 2.5 = 150$ խմ ծավալով, չհողմնահարված, թարմ ապարներից: Վերջիններից կկատարվի փորձնական հանույթ պիտանի բլոկների ելքի որոշման համար: Այս աշխատանքները կկատարվեն մեխանիկական հարատասեպային եղանակով, օգտագործելով էքսկավատոր, VIII կարգի ամրության ապարներում: Աշխատանքների ընթացքում կատարված ծախսերի և վերջնարտադրանքի քանակի մասին ստացված տվյալները կդրվեն հանքավայրի արդյունաբերական գնահատման հիմքում:

Երկրաբանահետախուզական և հիդրոերկրաբանական պայմանների ուսումնասիրման նպատակով նախատեսվում են համապատասխան դիտարկումներ հետախուզական փորվածքների և հորատանցքերի անցման ընթացքում:

Օգտակար հանածոյի ճառագայթափիզիկական հատկությունները պարզաբանելու համար դաշտային աշխատանքների ընթացքում նախատեսվում է կատարել ռադիոմետրիական չափումներ հանքավայրի ամբողջ տարածքում СРП 6801 ռադիոմետրիական չափիչ-սարքի միջոցով:



Նախատեսվում է շրջակա միջավայրի վրա հնարավոր ազդեցության բացառմանը, նվազեցմանն ու փոխհատուցմանն ուղղված բնապահպանական միջոցառումների ծրագիր, այդ թվում՝

- նավթամթերքների պահում աշխատանքները սպասարկող բեռնատար մեքենայի թափքում / անհրաժեշտ քանակի նավթամթերք բարձվելու է բեռնատար մեքենայի թափքում և ուղարկվելու է աշխատանքների տարածք, սպասարկող բեռնատար մեքենայի լիցքավորման համար/;
- հորատման թագագլխիկների հավաքում որպես մետաղական ջարդոն, աշխատանքների ավարտից հետո հանձնում մասնագիտացված կազմակերպություններին վերամշակման համար,
- կենցաղային աղբի հավաքում հատուկ պոլիէթիլենային տոպրակների մեջ, աշխատանքները սպասարկող բեռնատար մեքենայով տեղափոխվում մոտակա աղբահավաք կետեր,
- արտաթորվող թունավոր նյութերի չեզոքացուցիչ սարքերի տեղադրում,
- հորատումը կատարվելու է «թաց հորատման» մեթոդով, ինչը կբացառի փոշեգոյացումը հորատման ժամանակ,
- փոշենստեցման նպատակով տեղամասին մոտեցնող ճանապարհի ջրում տարվա չոր և շոգ եղանակներին,
- տեխնիկական նպատակներով անհրաժեշտ ջուրը տեղափոխվելու է մոտակա բնակավայրից՝ պայմանագրային հիմունքներով,
- նախատեսվում է աշխատանքների կատարման տեղամասերը ցանկապատել ելնելով անվտանգության նկատառումներից,
- կեղտաջրերի հավաքումը կկատարվի դաշտային հորատիպ զուգարանում, որը աշխատանքների ավարտից հետո դատարկվելու է հատուկ ծառայության ուժերով, դատարկված փոսը լցվելու է քարերով,
- խախտված տարածքների ռեկուլտիվացիա, ինչի նպատակով հորատման հարթակների և փորձնական բացահանքի անցումից առաջ ճիմապատ հողաբուսական շերտը հանվելու է, կուտակվելու է մոտակայքում, պարբերանար ջրվելու է, իսկ աշխատանքների ավարտից հետո հետ է փովելու:

Պատճառաբանական մաս. Գեղարքունիքի մարզի Գեղիովիտ համայնքապետարանում օրենսդրությամբ սահմանված կարգով, իրականացվել են հանրային քննարկումներ, որոնց ընթացքում տեղական ինքնակառավարման մարմինները և հասարակայնությունը հավանություն են տվել նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, ինչպես նաև առողջապահության, արտակարգ իրավիճակների, կրթության, գիտության, մշակույթի և սպորտի նախարարությունները, կադաստրի կոմիտեն և Գեղարքունիքի մարզպետարանը:

Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն երկրաբանական ուսումնասիրության աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:

Փորձաքննական պահանջներ



- Երկրաբանահետախուզական աշխատանքների իրականացման ընթացքում անհրաժեշտ է պարբերաբար իրականացնել շրջակա միջավայրի բաղադրիչների մոնիթորինգ և արդյունքները ՀՀ կառավարության 2018թ. փետրվարի 22-ի N191-Ն որոշմամբ սահմանված ժամկետներում և ձևաչափով ներկայացնել շրջակա միջավայրի նախարարություն:

- Երկրաբանահետախուզական աշխատանքների իրականացման ընթացքում անհրաժեշտ է խստագույնս հետևել նախնական գնահատման հայտում ամրագրված բնապահպանական միջոցառումների իրականացմանը, իսկ դրանց չբավարարման դեպքում՝ նախատեսել լրացուցիչ միջոցառումներ՝ ապահովելով բնապահպանական նորմերը:

- Անհրաժեշտ է ապահովել հայտում ամրագրված ռեկուլտիվացիայի աշխատանքների իրականացումը:

- Աշխատանքների ընթացքում ղեկավարվել առողջապահության նախարարի 2012թ. սեպտեմբերի 19-ի N15-Ն նորմերի պահանջներով:

- ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N438 որոշմամբ հաստատված կարգի 43-րդ կետի համաձայն, աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմնին՝ համապատասխան պահպանական միջոցառումներ իրականացնելու համար:

ԵԶՐԱՓԱԿԻՉ ՄԱՍ

«ԳԵՎՈՐԳՅԱՆՆԵՐ» ՍՊԸ կողմից ներկայացված Գեղարքունիքի մարզի Մթնաձորի բազալիտ երևակման տեղամասում 2021-2022թ.թ. իրականացվելիք երկրաբանական ուսումնասիրության շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Մասնագետ՝



Վ. Հարությունյան